

This pamphlet was adapted by the Division of Tuberculosis Control, Virginia Department of Health from materials developed in 1993 by the New York State Department of Health.

INFORMACION PER TUBERKULOZIN (2)



Testi juaj tregon që ju keni nevojë të merrni barna për TBC-në (tuberkuloz). TBC-ja përhapet në ajër, kështu që çdo njeri mund ta marrë TBC-në. Doktorit juaj ju ka dhënë një bar (ilaç) për ta kuruar atë. Kur ke TBC është shumë serioze. Në qoftë se ju nuk merrni barna, ju mund të vdisni për shkak të TBC-së. Edhe pse ju mund të ndiheni mirë tani, ju duhet t'i merrni barnat që ju ka dhënë doktori dhe të ndiqni këshillat e doktorit.

PSE DUHET T'I PI BARNAT E TUBERKULOZIT?

TBC-ja mund t'ju bëjë të vdisni. Marrja e barnave mund t'ju shpëtojë jetën. Ju ndoshta do të ndiheni mirë mbas disa javëve të trajtimit të sëmundjes, por ju **DUHET** t'i pini barnat deri në fund derisa doktori ju thotë të ndaloni. Në qoftë se ndaloni së piri barnat para kohe, TBC-ja mund t'ju kthehet përsëri dhe ju mund të vdisni. Gjithashtu marrja e barnave bën të mundur që ju mos ta shpërndani TBC-në tek familja, shoqëria juaj, si dhe tek të tjerët që ju mund të takoni.



SA SHPESH DUHET T'I PI BARNAT?

Ndiq këshillat e doktorit. Shumica e njerëzve me TBC duhet t'i pinë barnat rregullisht për 6 muaj ose mbase më shumë. Doktorit juaj do t'ju tregojë kur duhet t'i ndaloni.

A DUHET TE SHMANG NDONJE USHQIM APO BARNA TE TJERA NDERSA UNE PO PI BARNAT E TBC-së?

Jo. Por tregojini doktorit çfarë barnash të tjera po merrni. Kjo është veçanërisht e rëndësishme për gratë që po marrin tableta kundër shtatzanisë ose për çdo njeri që po merr Methadone. Dhe ju duhet të shmangni alkool gjatë kohës që merrni barnat e TBC-së.



A DO TE KEM EFEKTE ANESORE NGA BARNAT E TBC-së?

Shumicën e rasteve jo. Disa njerëz kanë humbje oreksi ose u dalin puçrra. Në qoftë se keni ndonjë nga këto probleme ose vini re diçka të pazakontë, tregojini doktorit ose infermieres. Në qoftë se del ngjyrë e verdhë në sy apo keni urinë ngjyrë kafe të errët, ndaloni barnat dhe lajmëroni doktorin tuaj.



ÇFARE DO TE NDODHE NE QOFTE SE NDALOH SE MARRURI BARNAT
TBC-ja mund të kthehet madje më keq dhe ju mund ta shpërndani atë tek të tjerët. Ju edhe mund të vdisni.

SI MUND TA MBAJ MEND PER TE PIRE TE GJITHA BARNAT



Në qoftë se mendoni se pirja e barnave është një gjë e vështirë për ju, pyesni doktorin për programet që mund t'ju ndihmojnë juve për të ndjekur këshillat e doktorit. Ju mund të ndihmoheni nga doktori juaj ose nga klinika - apo dikush mund të vijë tek ju sa herë që ju keni nevojë për të marrë barnat.

Në qoftë se keni pyetje, sigurohuni që të pyesni doktorin apo infermieren tuaj.

This pamphlet was adapted by the Division of Tuberculosis Control, Virginia Department of Health from materials developed in 1993 by the New York State Department of Health.